

21 October. 2025.18:15 Hrs

## Headlines

- प्रधानमंत्री नरेंद्र मोदी होरें आखेआ ऐ जे वैश्विक उथल-पुथल दे बावजूद बी भारत स्थिरता ते संवेदनशीलता दी मसाल बनियै कायम ऐ।
- उपराज्यपाल मनोज सिन्हा ते मुख्मन्त्री उमर अब्दुल्ला होरें पुलस यादगारी ध्याड़े दे मौके पर शहीद पुलस कर्मिऐं गी श्रद्धांजलि भेंट कीती, जम्मू-कश्मीर च रमानदारी लेई इकजुटता ते समर्थन दी अपील कीती।
- जम्मू दे आई.जी.पी होरें आखेआ ऐ जे जम्मू प्रांतै दे जंगलें च छप्पे दे विदेशी आतंकवादिऐं गी खत्म करने लेई जत्त जारी।
- जम्मू-कश्मीर च इस ब'रे डेंगू दे 2 ज्हार कोला मते मामले सामने आए। डाक्टरें लोके अगो अपील कीती ऐ जे ओहू अपने आले-दोआले पानी किट्टा नेई होन देन ते जरूरी एहतियात बरतन।
- महाराजा गुलाब सिंह हुं'दी 233मीं जनम जयंती दे मौके पर उनेंगी भावें-भरोची श्रद्धांजलि भेंट कीती गेई।

<><><><><><>

## PM-Bharat

प्रधानमंत्री नरेंद्र मोदी होरें आखेआ ऐ कि अज्ज जिसलै पूरी दुनिया केई सारी चुनौतिऐं ते संकटें दा सामना करै करदी ऐ। इस कठिन दौर च बी भारत स्थिरता ते संवेदनशीलता दौनें दी इक मसाल बनियै कायम ऐ। देआली दे मौके पर देशवासिऐं दे नांऽ इक चिट्ठी च मोदी होरें आखेआ जे भारत तौले गै दुनिया दी त्रीऽ सभनें शा बड्डी अर्थ बवस्था बनने दी बत्तै पर तेजिया कन्नै अगड़े बधै करदा ऐ। उनें आखेआ जे विकसित ते आत्मनिर्भर भारत दी यात्रा च सहयोग देना हर इक भारती दी जिम्मेदारी ऐ जिसी ओहू राष्ट्र दे निर्माण च अपने हिस्से दा योगदान देइयै निभाई सकदा ऐ।

<><><><><><>

## LG-Police Comm Day

उपराज्यपाल मनोज सिन्हा होरें अज्ज पुलस स्मृति दिवस दे मौके पर पुलस शहीदें गी सम्मानित कीता श्रद्धांजलि भेंट कीती ते जम्मू-कश्मीर पुलस दी शांति ते सुरक्षा बनाई रखने दी पक्की बचनबद्धता आस्तै आभार प्रगट कीता। श्रीनगर दे जेवन च बोलदे होई उपराज्यपाल होरें बल दे समर्पण दी सराहना कीती ते आतंकवाद खलाफ लड़ाई च उंदी महत्वपूर्ण भूमिका गी उजागर कीता। अपनी जिंदु दा बलिदान देने आहले 1 ज्हार 614 जवानें ते अफसरें गी चेत्ता करदे होई उनें उन्दे परोआरें गी लगातार मदाद देने दा भरोसा दोआया। उनें आतंकवादी खतरें दे प्रति सौहार्दा-सतर्क रौहने ते गलत सूचना दा मकाबला करने आस्तै उन्नत तकनीक दा इस्तेमाल करने दे महत्व पर जोर दिता। कार्यक्रम दरान उपराज्याल होरें पुलस दिएं पैहलकदमिएं गी समर्थन देने ते जम्मू-कश्मीर च स्थाई शांति यकीनी बनाने लेई किट्टे रलियै जत्त करने दा आह्वान कीता। उनें आखेआ।

मुख्यमंत्री उमर अब्दुल्ला होर बी इस मौके पर मौजूद हे। मुख्यमंत्री होरें ड्यूटी गी अंजाम दिंदे होई अपनी जिंदु दा बलिदान देने आहले अफसरें ते जवानें गी श्रद्धांजलि भेंट कीती।

<><><><><><>

## IGP-Terrorists

जम्मू जोन दे आई.जी.पी भीम सेन टूटी होरें अज्ज जानकारी दिती ऐ जे जम्मू दे घने जंगलें च छप्पे दे विदेशी आतंकवादिएं गी खत्म करने लेई जतन जारी न ते पूरे जम्मू खित्ते च आतंकवाद रोधी अभियान लगातार चलाए जा करदे न। उनें एहू गल्ल जम्मू च 1959 च लद्दाख च शहीद होए दे सी.आर.पी.एफ दे 10 जवानें दी याद च पुलस स्मृति दिवस दरान आक्खी। आई.जी.पी होरें पुलस दे शहीदें गी दिली श्रद्धांजलि अर्पित कीती ते बक्ख-बक्ख मोर्चे पर शहीद होए दे जवानें दे बलिदान गी नमन कीता। इस मौके पर आई.जी.पी होरें आखेआ

सभनें 10एं जिलें च यादगारी कार्यक्रमें दा आयोजन कीता गेआ जेह्दे च अधिकारियें, परोआरें ते सिविल समाज दे सदस्यें दी व्यापक शमूलियत होई।

<><><><><><>

## Nagrota Bypolls

11 नवंबर गी होने आहले नगरोटा विधानसभा चुनांऽ लेई तैयारियां जोरें-शोरें जारी ना। चुनांऽ पूरी चाल्ली सुतंत्र, पारदर्शी, साफ-सुथरे ते बवस्था आहले ढंगै सिर करोआने लेई चुनांऽ प्रशासन आसेआ पूरे हल्के च थाहरें-थाहरें नाके लाए देन ते बक्ख-बक्ख इलाके च सी.सी.टी.वी कैमरे राएं नेड़मी तक्क रक्खी जा करदी ऐ। इस चुनांऽ लेई दाखल नामांकन पत्रें दी जांच-पड़ताल कल कीती जाहग जिसलै कि कोई बी मेदवार जेकर चाहन तां 24 अक्तूबर तगर अपने ना वापस लेई सकदे ना। मतदान 11 नवंबर गी होग जिसलै जे वोटें दी गिनतरी 14 नवंबर गी होग। पूरी चुनांऽ प्रक्रिया दरान रमानदारी ते बवस्था बनाई रखने लेई सुरक्षा दे बी निगगर बंदोबस्त कीते गेदे ना।

<><><><><><>

## PM-MKB

प्रधानमंत्री नरेंद्र मोदी होर औंदी 26 अक्तूबर गी अपने रेडियो कार्यक्रम “मन की बात” राएं देश-विदेश च रौहने आहले श्रोताएं कन्नै अपने विचार सांझे करडन। हर म्हीने दे खीरले ऐतवारें बडलै 11 बजे प्रसारित होने आहले इस कार्यक्रम दी एहू 127मीं किश्त होग, जेह्दे च शामिल करने लेई लोक अपने विचार ते सुझाऽ टोल फ्री नंबर 1800-11-7800 पर भेजी सकदे ना। एह्दे अलावा लोक अपने विचार नरेंद्र मोदी ऐप जां माई गोव अपने फोरम पर ऑनलाइन बी भेजी सकदे ना। एहू सुझाऽ भेजने दी खीरी तरीक 24 अक्तूबर रक्खी गेदी ऐ। हासल सुझाएं ते विचारें चा ताले गेदे सुझाएं गी इस कार्यक्रम च शामिल कीता जाई सकदा ऐ।

<><><><><><>

ते हुन बाकि दिएं खबरें कन्नै कुणाल श्रीवत्स।

## J&K Dengue

जम्मू-कश्मीर च इस बरें डेंगू दे मामलें च बाढ़ा होआ ऐ ते अजे तगर इस लागै आहली बमारी दे तकरीबन 2 ज्हार 200 मामले सामने आए ना। आकाशवाणी जम्मू संवाददाता मुजब सरकारी आंकड़ें मताबक अजें तगर पूरे केंद्र शासित प्रदेश च डेंगू दे 2 ज्हार 168 मामलें दी तसदीक होई ऐ जिंदे च जम्मू जिले च सभनें शा मते 960

मामले सामने आए न, एहदे मगरा कठुआ, उधमपुर ते साम्बा दा नंबर ऐ। सेहत माहिरें लोकें गी गुजारिश कीती ऐ जे ओह एहतियाती उपाऽ करन, खास करिये बडलै ते दपैह्नी मगरा जिसलै मच्छर मते सक्रिय होंदे न। डेंगू गी फैलने थमां रोकने लेई लोकें गी सलाह दिती जंदी ऐ जे ओह खड़ोते दे पानी गी हटाई देन ते साफ-सफाई बनाई रक्खन।

<><><><><><>

## Maharaja-Gulab Singh B'day

महाराजा गुलाब सिंह हुं'दी 233मीं जयंती दे मौके पर पूरे जम्मू खित्ते च कई कार्यक्रमें दा आयोजन करिये डोगरा राजवंश दे संस्थापक ते जम्मू-कश्मीर दे पैहले महाराज होरें'गी चेता कीता गेआ। महाराज रणजीत सिंह हुं'दी अगुवाई च कमांडर दे औहदे थमां उभरिये 1822 च जम्मू दे राजा बनने दे परैंत उनें 1846 च अमृतसर दी संधि करिये अपनी विरासत गी मजबूत कीता ते जम्मू-कश्मीर रियासत दी स्थापना कीती। उनेंगी अपने सैन्य कौशल, सांस्कृतिक संरक्षण ते कल्याण केंद्रित सुधारें आस्तै जानेआ जंदा ऐ। एक्स पर इक्क पोस्ट च उपराज्यपाल मनोज सिन्हा होरें महाराजा गुलाब सिंह होरें'गी उंदी जयंती पर दिली श्रद्धांजलि अर्पित कीती ऐ। तोआई, युवा राजपूत सभा जम्मू नै बी इस मौके पर महाराजा गुलाब सिंह होरें'गी चेत्ता कीता ते उंदी जयंती गी जोश ते जज्बे कन्नै मनाया। मीडिया कर्मियें कन्नै गल्ल करदे होई युवा राजपूत सभा दे प्रधान संजीव सिंह रिंकू होरें आखेआ।

<><><><><><>

## Spl. Trains Reactions

बडगाम ते बनिहाल बश्कार चलने आहली रेल गड्डी दी सेवा संगलदान तोड़ी बधाए जाने दा मकामी लोकें जोरदार सुआगत कीता ऐ जेह्दी जे रेल सेवा दी बधदी लोकप्रिया दे चलदे इक महत्वपूर्ण मंग ही ते एहदी मती लोड बी ऐ ही। इस फैसले कन्नै इस रूट पर सफर करने आहले मती राहत मसूस कीती ऐ। अज्जै थमां इक विशेष रेल गड्डी 04687-88 अगले 30एं दिनें तगर संगलदान स्टेशन तोड़ी जाना शुरू होई गेआ ऐ। आकाशवाणी दे जम्मू संवाददाता नै जानकारी दिती ऐ जे इस कार्रवाई दा मकसद यात्रिएं दे सफर गी मता सखल्ला ते सुविधाजनक बनाना ऐ। कश्मीर रेल नेटवर्क च बड़े मते सुधारें ते बदलावें दी मदद कन्नै मकामी लोकें गी बड़ी

मती राहत ते सुविधा हासल होऐ करदी ऐ। आकाशवाणी कन्नै इस बारै गल्ल करदे होई किश लोके दा आखना हा.

<><><><><><>

## GST-Reduction

केंद्र सरकार आसेआ हाल च गै जरूरी चीजे-बस्ते पर जी.एस.टी. दरे च कीती गेदी कटौती कन्नै जम्मू दे आले-दोआले दे इलाके दे बसनीके गी फायदा होआ'रदा ऐ। बपारी बेहतर बिक्री होने दी गल्ल करा करदे न कीजे जे घट्ट टैक्से कन्नै लागत घट्ट होई गेई ऐ जेदे कन्नै गाहके आस्तै समेयान दा भाहू मता किफायती होई गेआ ऐ। उपभोक्ता सकारात्मक प्रभावे दा नन्द लै करदे न कीजे रोजमर्रा दी जरूरी चीजां बजट दे अनुकूल होई गेइयां न, जेह्दे कन्नै जीवन दे हर वर्गे दे परोआरे गी राहत थ्होई ऐ। इस फैसले नै मकामी बजारें गी बढावा दित्ता ऐ ते एह्दे कन्नै आर्थिक विकास गी बी रफ्तार थ्होग। आकाशवाणी समाचार कन्नै गल्ल करदे होई मुकामी लोके इस पहलकदमी दी सराहना करदे होई आखेआ.

<><><><><><>

## Parvez Rasool Retirement

जम्मू-कश्मीर थमां भारती टीम च शामिल पैहले क्रिकेटर परवेज रसूल नै 36 ब'रे दी उम्री च क्रिकेट दे सभनें प्रारूपें थमां सन्यास दी घोशणा करी दित्ती ऐ। परवेज रसूल इक हरफनमौला क्रिकेट न जिनें अपने खेडू करिअर दरान 352 शानदार विकेटां हासल कीती दियां न ते 5 ज्हार 648 रन्ज बनाए देन। उनें क्रिकेट दे हर प्रारूप यानि इक रोजा मैचे, टेस्ट मैचे ते टी-20 च बी अपनी काबलियत दा लोहा मनोआया ते हून खेडू सवां सन्यास लैने दे बाद परवेज रसूल औंदी पीढ़ी दे खडारिएं गी सिखलाई देने ते भविक्ख लेई तैयार करने च सहयोग देन।

<><><><><><>